



UNIVERSITÄTS-
BIBLIOTHEK
PADERBORN

Universitätsbibliothek Paderborn

Scala Jacob

Lindeborn, Jan

Antverpiæ, 1666

§. 19. De Somno.

[urn:nbn:de:hbz:466:1-49085](https://nbn-resolving.org/urn:nbn:de:hbz:466:1-49085)

qui radicatum vult in illud hoc particulare scrutinium instituat ejusque excidio advigilet juxta dicta puncto quarto præcedenti.

Itaque filiaæ meæ, cujus necessitatem audistis, utilitatem & praxin, sit vobis quotidianum hoc Examen: quæ namque crastinum sibi poterit polliceri? *si autem vias meas in conspectu ejus arguam*, dicit Job, c. 13: 15: *ipse erit Salvator meus*. Ideoque juxta Apostolum: *Quod si nosmetipsos dijudicavimus, non utique judicaremur*. Eoque judicio peracto subnectatur gratiarum actio pro diurna custodia tam sollicitè immeritis exhibita, vosque cum parentibus, amicis & reliquis, pro quibus vobis incumbit oratio, divinæ tutelæ, Deiparæ Virginis, Angeli custodis & SS. Patronorum patrocinii committite.

§ XIX.

De Somno.

Pasci eum inter Lilia, donec aspiret dies & inclinentur umbræ de Dilecto suo testatur Sponsa: *Dilectus meus mihi*, inquit, & ego illi, *qui pascitur inter Lilia* (hoc est, interprete D. Hieronymo, *inter Virginum candidissimos Choros*) *donec aspiret dies, & inclinentur umbræ*. Ibidem & ab iis pascitur piis affectibus & aspirationibus, fervidis orationibus virtuosisque exercitiis: eum namque pascit quicquid sustentat animam tuam, cùm is sit animæ tuæ vita, seu potius tua ex immenso amoris affectu sit vita sua: pascitur autem *donec aspiret dies & inclinentur umbræ*, quod est juxta literam noctuque diuque

Q 2

quomodo

Quomodo autem pascatur per diem huc usque tradidimus: nunc verò, cùm nox ingruat & Somnus Virgini obrepit ejusque oculos gravet, qualiter de nocte pascatur eam docebimus.

PRIMÒ dictis precibus vespertinis & relectâ crastinæ meditationis materiâ, ut manè inter induendum juxta præscripta §. 3. ita nunc inter exuendum piis se considerationibus occupabit, quas suggerent ipsæ exuviæ, æque sunt: modò, Protoparentum nostrorum denudatio ab originali justitia, eâ namque amissâ cognoverunt se esse nudos: detestetur eorum inobedientiam, cumque eam in baptismo iterum induerit, *quicumque enim in Christo baptizati estis Christum induistis*, concipiat firmiorem ejus custodiam: *custodi innocentiam* inquit David, & *vide æquitatem, quoniam sunt reliquæ homini pacificæ*. Deponat vestimenta corporis, at animæ nonquam. Aliàs suspiret, ut, quomodo involucra corporis, ita exuat & deponat vitiosos animæ habitus, quibus in examine se amictam deprehendit: *Nunc autem deponite & vos omnia, iram, indignationem, malitiam, blasphemiam, turpem sermonem de ore vestro: nolite mentiri invicem expoliantes vos veterem hominem cum actibus suis & induentes novum, eum qui renovatur in agnitionem secundum imaginem ejus qui creavit illum*. Nunc, Christi denudatio sive ad flagella in Prætorio Pilati, sive ad Crucem in vertice Golgothæo. Aliquando, denudatio corporis in hora mortis; utinam anima tunc non inveniatur nuda! & ne deprehendatur talis nunc allaboret: Non enim, ut testis est Apóstolus, cœlesti gloriâ superinduetur, nisi quæ vestita & non nuda fuerit inventa. *Subinde Operum*

Gen. 3: 7.

Gal. 3: 27

Psal. 36:

37.

Coloss. 3:

8, 9, 10.

2 Cor. 5: 2

& 3.

Operum coram Deo denudatio, *in fine hominis* inquit Ecclesiast. *denudatio operum illius*: quot tunc 11. c. 29. deprehendentur fuisse vitia, quæ nunc virtutes apparent, quando justitias judicabit & in lucernis scrutabitur Jerusalem!

SECUNDÒ osculo terræ prius dato, quò, quid Gen. 3: 19 fuerit quidque futura sit, reminiscatur, dum cubile ingreditur non ut corpori blandiatur, sed ut alacrior in Dei sui obsequium exsurgat, sic se deferendam aliquando, cogitet ad sepulchrum, & ut nunc stragulis involvitur, sic se, fortè propediem, obruendam humo: quid namque stratum nisi sepulchrum, & somnus nisi vivi hominis sepultura: ideoque in manus Domini commendet spiritum suum.

TERTIÒ pijs conceptibus occupata somnum præstoletur: „ Certè solennes orationes cum gratiarum actione sunt deferendæ, (monet D. Ambros.) L. 3. de Virg. „ cùm è somno surgimus . . . cùm denique cubitum „ pergimus: sed etiam in ipso cubili volo Psalmos cum „ oratione dominica frequenti contexas vice vel cùm „ evigilaveris, vel antequam corpus sopor irriget, ut „ te in ipso quietis exordio rerum secularium curâ liberam divina meditantem somnus inveniat. Formula honestæ Vitæ. *Ruminantem Psalmos*, habet Abbas Mellifluus *somnus te occupet, ut in somno somnies, te dicere Psalmos.* „ Cave in quantum potes serve Dei, (præcipit idem „ alibi) ne totus aliquando dormias, ne sit somnus „ tuus non requies lassæ sed sepultura corporis suffocati, non reparatio sed extinctio spiritus tui . . . „ iturus ergo ad somnum semper aliquid defer tecum „ in memoria vel cogitatione, in quo placidè obdormias, quod nonnunquam etiam somniare juvet,

vet, quod etiam evigilantem te excipiens in statum hesternæ intentionis restituat: sic tibi nox sicut, dies illuminabitur, & nox illuminatio tua erit in deliciis tuis, placidè obdormies, in pace quiesces, facilè evigilabis, & surgens facilis & agilis eris ad redeundum in id unde non totus discescisti. Sobrium enim cibum sobriumque sensum sequitur sobrius somnus: carnalis verò somnus & brutus & sicut dicitur lethæus abominandus est Servo Dei: de quo verò post congruam quietem facilè est sensus corporis & mentis evocare, & quasi servos domus patrisfamilias ad opera necessaria spiritui suscitare, & emittere, hujusmodi somnus tempore suo aspernandus non est. Haftenus D. Bernardus. Recogitet igitur Apostolorum somnum, dum in horto Gethsemani sanguinem Christus sudat & aquam. Videat in Emmaus duos discipulos eundem cogentem ut apud se maneat. Contempletur Virginum prudentum sollicitam curam in comparando oleo lampadibusque præparandis, quas imitetur: & fatuarum sollicitudinem, quam declinet: Verbo, perinde est quicquid animus volvit, dummodo natum sit, eum ad Dei virtutisque amorem inflammare, & à malo deterrere, ut juxta D. Basilium Hom: in Martyrem Julittam, *somni ipsi pietatis exercendæ meditationis quædam sint.*

*Ad FF. de
Monte
Dei.*

*Cant. 3:
6. 26. v. 9.*

QUARTO denique, cum de nocte evigilat, piæ cogitationes animum occupent: cum namque cogitare debeat Virgo ex præscripto Apostoli *quæ Domini sunt*, certè, si unquam aliàs, modò ad id se offeret occasio. Quærat itaque in lectulo suo per noctes cum sponsâ eum, quem diligit anima ejus, ea-

que cum Isaia desideret eum in nocte. Imitetur eum qui dixit: *Renuit consolari anima mea, memor fui Dei* Psal. 76: *& delectatus sum, & exercitatus sum, & defecit spiritus meus: anticipaverunt vigiliis Oculi mei, turbatus sum & non sum locutus: cogitavi dies antiquos & annos æternos in mente habui: & meditatus sum nocte cum corde meo, & exercitabar & scopebam spiritum meum.* Æmuletur S. Augustinum, exclamatis: *O æterna veritas, & vera charitas, & chara* L. 7. Con- *æternitas! tu es Deus meus, tibi suspiro die ac nocte.* Et fess. c. 10, quò suspiriis suppeditentur motiva, recitet Salvatoris natales & cunas, ejusdemque indigentiam non habentis ubi caput reclinet, offerat ei cor suum & omnia sua: contempletur pastores mediâ nocte properantes ad præsep: consideret acta in Domo Cai-phæ; & quem straverunt peccata hominum, durissimum Crucis lectulum. Ex tenebris noctis metiantur tenebras exteriores, in quas ille abjicitur, qui sine veste nuptiali deprehendebatur: timeat similem pœnam, & ut evadat, *omni tempore sint ejus vestimenta candida, candor autem vestium,* Eccl. 9. L. 1 ad- *ex sensu D. Hieronymi, sempiternus, Virginitatis est puritas.* versus *Audiat tot voces toto orbe Catholico Deo laudes* Forin. c. 16. *concontinentium, eorumque choro affectu sese aggreget, sibi dictum reputet illud Jeremiæ: consurge, Thren. 2: lauda in nocte, in principio vigiliarum: effunde sicut* 19. *aquam cor tuum ante conspectum Domini.* Insonet auribus ejus clamor ille mediæ noctis: *Ecce sponsus venit, exite oviam ei.* Tu una de Virginibus (L. 3. de *quit D. Ambrosius*) quæ corporis tui gratiam Virgin. *splendore mentis illuminas, tu inquam in cubiculo tuo, & nocturno tempore constituta semper medi-*

tare Christum & ejus adventum omnibus sperato
Cant. 5: 2. momentis. Denique dormiat sed vigilet cor ejus,
 seu potius evigilet ad pulsum sui Dilecti: „ Quære
 in noctibus, quære in cubili tuo (urget idem Am-
 brosius) quoniam & nocte venit & pulsat januam
 tuam: vult enim te omnibus invigilare momentis,
 vult januam tuæ mentis patentem invenire: est &
 illa janua quam vult patere, ut aperiatur, ut reso-
 net os tuum laudem Domini, gratiam Sponsi, Cru-
 cis confessionem, cùm Symbolum recenses, Psal-
 mos, in cubiculo tuo concinis. Ergo cùm venerit,
 vigilantem te inveniat, ut parata sis. Dormiat caro
 tua, vigilet fides: dormiant illecebræ corporis, vi-
 gilet cordis prudentia, membra tua redoleant cru-
 cem Christi & sepulturæ odorem, ut nihil iis som-
 nus caloris infundat, nullos excitet motus. Ipsa
 est Anima quæ Christo aperit quam nulli vapores
 carnis exagitant: cùm hæc invenerit, sponsus trans-
 ibit. Anima tua illum sequatur, discedat à cubili
Exhort. ad Virg. suo, exeat in verbo ejus. Hæc S. Mediolanensis
 Antistes.

Tu itaque Virgo Deo sacra vis esse una, qualis
 esse debes, ex Liliis, inter quæ pascitur Sponsus ce-
 lestis *donec aspiret dies*, præscriptæ ascuesce præ-
 vestes exuens animos indue novos: corpus ad quie-
 tem componens vel ex ea evigilans piis consideratio-
 nibus mentem occupa: æmulare eorum studium
c. 7. v. 15. quorum speras consortium, qui in Apocalypsi ve-
 si sunt D. Joanni *ante thronum Dei, & serviunt ei
 die ac nocte in Templo ejus.* Iis te accense de quibus
c. 62. v. 6. Dominus apud Isaiam: *Super muros tuos Jerusalem
 constitui custodes, totà die & totà nocte in perpetuum*

non tacebunt. Quæ Christi Ancilla es, hominum famulas imitare, eæ non modò per diem ignem nutriunt, sed & vesperi in foco custodiunt, quò de nocte, si opus fuerit, & manè ad construendum novum expeditiores sint: difficulter enim in foco frigido aut sine reliquiis ignis flamma excitatur: eas inquam imitare, ardeat in te totâ die ignis charitatis, nutriatur is meditatione, lectione, oratione: *Amorem enim Dei in homine ex gratia genitum lactat lectio, meditatio pascit, oratio confortat & illuminat,* ex Ab- *Ad FF.*
bate Clarevallensi. Sed & indormitura pia aliquot *de Monte*
puncta ex jam assignatis aut etiam iis, quæ de die de- *Dei.*
votionis calorem vel charitatis ardorem nutrierunt, in foco cordis tui depone, eaque expergiscens quasi è cineribus resuscita, hoc est cum Psalte in pace in *Psal. 4: 9.*
id ipsum dormire & requiescere.

CAPUT III.

De Ascensu & Descensu hebdomadario.

§. I.

De Patre Spirituali.



ISraëlitis, qui ex Ægyptiaca servitute educeret quique eos in promissæ terræ possessionem immitteret, Moysen datum à Deo Ducem & Consiliarium produnt sacræ Paginæ: is namque aperuit eis mare rubrum ut aquâ *Q5* *divisâ*